

太原縣志卷之十六

遺事

史有正史有別史別史所以補正史之所不及也志乘之書亦史類也正文所不及載者叢列遺事以備掌故使覽者得以考焉志遺事

周成王四年與叔虞戲翦桐葉爲圭曰以此封若史佚因請擇曰王曰戲耳史佚曰天子無戲言言則史書之禮成之樂歌之於是封叔虞於唐都晉陽  
唐叔行至徒林遇兕焉引弓以射一發而殪之以其皮爲大甲

太原縣志

卷之十六

遺事

一

晉荀吳敗無終山戎及羣狄於太原

定公十三年秋晉趙鞅入於晉陽以叛

趙孝成王二十年秦王政初立拔我晉陽

秦始皇元年晉陽叛將軍蒙驁擊定之

漢高祖七年韓王信反將軍周勃破之於銅鞮降太原六城擊信於晉陽又破之下晉陽

晉劉琨殺護軍令狐盛盛子泥奔於劉聰具言虛實聰大嘉以泥爲鄉導屬上黨太守襲醇降於聰雁門烏丸復琨率精兵出禦之聰遣子粲及令狐泥乘虛襲晉陽太原守高喬以郡降琨父母並遇害琨引猗盧并力攻

粲大敗之猗盧以聰未可滅遺琨牛羊車馬而去畱其將箕澹等戍晉陽 省志又云劉粲等攻晉陽使張喬拒之戰於武灌喬敗績死晉陽太守高錕以郡降所云高喬疑張喬高錕之誤

東晉太元十年秦長樂公丕將赴長安時幽州刺史王永自薊走壺關遣使招之丕乃帥鄴中男女六萬餘口西如潞州將軍張蚝并州刺史王騰迎入晉陽永以騎來會丕始知符堅已死乃發喪卽位

晉有伋桑者力能扛鼎殘心少恩六月盛暑重裘使十數人扇之忽不清涼便斬扇者大姓田蘭斬於平原土

## 太原縣志

### 卷之十六

遺事

一一

女慶賀而歌曰土爲將軍何可羞六月重裊被狐裘不識寒暑斷人頭雄兒田蘭爲報仇中夜斬首謝并州太元二十一年燕以慕容農爲并州牧守晉陽九月魏王珪軍至慕容農出戰大敗奔還司馬慕輿嵩閉門拒之農遂東走魏追獲其妻子燕軍盡沒農獨與三騎逃歸中山魏遂取并州

魏永安三年十二月甲寅爾朱兆遷孝莊於晉陽甲子崩於城內三級佛寺

普泰元年費也頭紇豆陵步藩入秀容逼晉陽爾朱兆徵齊神武神武將往賀拔焉過兒請緩行以敝之神武

乃逗遛不進步藩軍盛兆敗走初孝莊誅爾朱榮知其黨必有異謀乃密勅步藩令襲其後步藩既敗兆等兵勢日熾兆又請救於神武神武內圖兆又慮步藩後患難除乃與兆悉力破之藩死

普泰二年高歡擊爾朱兆於武鄉兆大掠晉陽北走秀容并州平歡以晉陽四塞於是建大丞相府而居之東魏武定三年高歡言并州軍器所聚動須女功請置宮以處配沒之口遂置晉陽宮

北齊太寧元年十二月周武帝遣將與突厥合衆逼晉陽世祖自鄴倍道兼行赴救諸將咸欲逆擊之并州刺史

太原縣志

卷之十六

遺事

三

段韶曰步人氣勢自有限今大雪之後逆擊非便不如陣以待之彼勞我逸破之必矣既而交戰大敗之敵前鋒盡殪餘軍宵遁

河清二年十二月己酉周將楊忠帥突厥阿史那木可汗等二十餘萬人自恒州分道下晉陽又遣大將軍達奚武帥衆數萬與突厥相應

三年周及突厥來侵齊主登晉陽城軍容甚整突厥咎周人曰爾言齊亂故來伐之今何可當也齊兵鼓譟而出周師大敗

周保定二年大都督王慶引突厥騎與隋公楊忠至太原

而還

文宣嘗登童子寺望并州城謂左右曰此何等城對曰此金城也文宣曰我謂唐邕金城此非也

幼主恒於晉陽起十二院壯麗踰於鄴下鑿西山爲大佛像然油萬盆光照宮內

建德五年十二月戊午齊安德王延宗據并州周武帝進圍其城齊王憲攻其西面克之獲延宗并州平

隋仁壽四年漢王諒反命楊素爲并州道行軍總管河北安撫大使討之諒遣將趙子開擁衆十餘萬遮絕徑路布陣五十里素令諸將以兵臨之自引奇兵潛入霍山

太原縣志

卷之十六 遺事

四

緣崖而進直指其營一戰破之進圍并州諒窮蹙出降餘黨悉平

大業三年八月帝自金河還至太原營晉陽宮

十二年四月燕山賊魏刀兒所部將甄翟兒率衆十萬寇太原將軍潘長文討之敗績死十二月唐公討之破翟兒於西河獲男女數千人

十三年劉武周據汾陽宮五月甲子唐師起殺王威高君雅丙寅突厥數千寇太原唐公擊破之冬十月太原楊世洛聚衆萬餘人寇掠城邑

唐武德二年宋金剛圍太原詔遣太常卿李仲文禦之爲

賊所執全軍沒仲文逃還又詔右僕射裴寂禦之寂復敗績齊王元吉委并州遁劉武周入據之

四年頡利來寇并州總管襄邑王神符戰汾水東敗之斬首五百級獲馬二千匹又戰於沙河北獲其乙利達官并可汗所乘馬及甲

六年并州長史竇靜表請於太原置屯田以省饋運議者以爲煩擾靜論不已徵靜入朝與裴寂等相問難寂等不能屈乃從靜議歲收穀數千斛秦王復請增置屯田於并州之境從之

開元以後增置太原府爲北京官屬制置悉同兩京

太原縣志

卷之十六

遺事

五

開元十一年更天兵軍節度爲太原府以北諸軍州節度河東道度支營田使兼北都畱守領太原及遼石嵐汾代忻朔蔚雲九州治太原此河東節度使之始

天寶十四載祿山命將安忠志以驍騎十八劫太原尹楊光翽去追兵萬餘莫敢近

至德二載史思明蔡希德等將兵十萬攻太原時城中卒不滿萬諸將皆懼議修城李光弼曰賊垂至而興役是未見敵先自困也乃帥軍民於城外鑿濠以自固作塹數十萬衆莫知所用及賊攻城於外乃用之增壘於內壞輒補之圍月餘不下會安祿山死慶緒使思明歸

守范陽畱蔡希德等圍并光弼出敢死士搏戰斬首七萬級希德棄糧遁走

中和元年五月沙陀李克用寇太原節度使鄭從讜遣喻安王蟾踵擊之會振武軍使契苾璋至克用大敗引去陷陽曲榆次而返 按省志作李克用與沙陀戰於晉王嶺誤

天復元年四月朱全忠大舉兵擊晉入飛狐陰地天井等處抵晉陽乃還

二年梁兵圍晉陽召諸將走保雲州劉夫人曰王嘗笑王行瑜輕去其城死於人手奈何效之克用乃止數日

太原縣志

卷之十六

遺事

六

潰兵復集梁兵敗去

梁貞明二年王檀請兵襲晉陽奄至城下晝夜急攻城幾陷者數四代北故將安金全退居太原往見張承業曰晉陽根本之地若失之大事去矣請以庫甲見授爲公擊之承業卽與之全帥其子弟等數百人夜出擊梁梁兵大驚引却李嗣源亦遣牙將石君立來救遂與共擊梁兵梁兵死傷甚衆

後唐長興三年唐主以千春節置酒晉國長公主上壽畢辭歸晉陽唐主醉曰何不且畱遽歸欲與石郎反耶敬塘聞之懼欲嘗唐主之意表陳羸疾乞解兵柄移他鎮

帝從其請移鎮鄆州敬塘遂決意起兵

清泰三年六月太原四面招討使張敬達兵圍太原石敬瑭求救於契丹九月契丹自雁門入與敬達戰於西山先使羸騎三千誘之及伏發斷唐軍爲二唐遣趙延壽等救之延壽等皆有二心無救敬達意久之敬達食盡至削木篩糞以飼其馬馬饑至自相啖其鬣尾死則以充食副招討楊光遠勸敬達降敬達曰有死而已爾欲降卽斬吾首可也閏月甲子光遠安審琦等殺敬達以降

晉天福六年晉主憂重榮跋扈以劉智遠畱守北京富强

太原縣志

卷之十六

遺事

七

冠諸鎮將佐勸智遠稱尊號以令四方智遠從之遂卽位於晉陽未忍改晉國號又惡開運之名更稱天福十二年

周廣順元年劉崇聞隱帝遇害欲起兵南向聞立湘陰公乃止曰吾兒爲帝吾復何求太原少尹李驤曰觀郭公之心終欲自取不如疾引兵逾太行據孟津俟徐州相公卽位然後還鎮則郭公不敢動矣不然且爲所賣崇怒曰驤腐儒欲離間我父子命牽出斬之及威弒贄於宋州哭曰吾不用忠臣之言以至於此爲李驤立祠歲時祭之以正月戊寅卽皇帝位於晉陽

北漢乾祐七年周世宗遣符彥卿等率師圍晉陽會淫雨士卒皆病不克而還

廣運元年九月宋兵分道大入命劉繼業馬峰等領軍扼團栢谷峰至洞渦河宋太祖從盤陀谷取北漢會暑雨疾作引師去

宋開寶元年命昭義節度使李繼勳征太原以何繼筠爲先鋒至洞渦河與并人遇擊走之遂奪汾河橋敗其衆於城下獲馬五百匹擒其將張環石贇以獻

二年三月李繼勳敗北漢軍於太原城下又北引汾水灌城會城中有積薪漂出塞之時憲州嵐州俱降獨太

太原縣志

卷之十六 遺事

八

原未下

八年太祖又命黨進潘美等率兵分五道以攻太原又遣郭進等攻忻代等州所向克捷旋敗漢兵於太原城漢求救於契丹遣其相耶律沙引兵救之宋師還

太平興國四年宋太宗自將伐漢漢又求救於契丹遣耶律沙救之潘美等大敗漢兵築長連城以圍之帝至城下督戰益急漢主繼元出降賜爵彭城郡公詔毀太原改爲平晉縣以榆次爲并州徙太原民於唐明鎮高汝行曰太原形勝之地左環汾水右擁蒙山周秦以來或曰晉陽或稱并州皆爲雄鎮高齊興霸李唐肇基



隋置行宮五代之世晉漢遞興而北漢歷世且三十有九年周世宗宋太祖皆親征不下非地形之險固人心之忠勇能若是乎今之省城舊稱唐明鎮宋徙其民遂成都會仍稱晉陽蓋借名耳其實晉陽故地在吾太原也洪武初年議建晉府宮殿垂成而止使非大風則官府居民日漸輳集元遺山所謂重看官家築晉陽者可復見於今日矣惜乎天意叵測至今使人有黍離之嘆耳

明嘉靖時太原吏部尚書王瓊贈太師明冢宰贈太師惟蹇忠定王端毅及公三人而已

## 太原縣志

### 卷之十六

遺事

### 九

甲申五月賊李自成從京師敗歸時鄉紳被夾而未死者并子弟婦女猶幽禁會城賊至始釋之既乃令闔郡鄉宦及妻孥盡起送西安遂有死於彼土者太原鞏公皇其一也

國朝順治五年千總路時運斂金激變爲堡兵梁四等所殺四卽力持把總尤王造反太原千總溫師珩率兵三百遇賊於樹頭嶺大敗之賊遂劫掠村邑

順治五年冬姜瓖反雲中大亂六年三月僞撫姜建勳旣敗於忻州復入西山從靜樂交城間小路趨攻汾州下之乃引兵而北至太原營於晉祠夜半來攻縣城邑令

郃煥元禦之會城堅猝不能下已而端重親王引兵至  
與戰於赤橋花塢之間賊敗退保晉祠堡我師圍之五  
日端重王恐堡破玉石俱焚故弛其南建勳引馬兵從  
南堡門衝出逃還汾州爲我師殺傷甚多賊之步兵望  
西山亂奔我師追至花巖塢殲其什九餘者竄入交城  
山先是花巖塢塌下紅土一坡有術士見之云此處當  
顯血災至是果驗